

Castoreum : dissertatio inauguralis ... / scripsit Josephus Ackerl.

Contributors

Ackerl, Josephus.
Royal College of Surgeons of England

Publication/Creation

Pestini : Typis Trattner-Károlyianis, 1840.

Persistent URL

<https://wellcomecollection.org/works/ug2qnnwu>

Provider

Royal College of Surgeons

License and attribution

This material has been provided by This material has been provided by The Royal College of Surgeons of England. The original may be consulted at The Royal College of Surgeons of England. where the originals may be consulted. This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

CASTOREUM.

DISSERTATIO INAUGURALIS,

QUAM

ANNUENTE

INCLYTA FACULTATE MEDICA

CONSENSU ET AUCTORITATE

MAGNIFICI DOMINI

PRAESIDIS ET DIRECTORIS,

SPECTABILIS D. DECANI,

NEC NON

CLARISSIMORUM

DOMINORUM PROFESSORUM

IN

ALMA AC CELEBERRIMA SCIENT. UNIVERSITATE PESTANA

PRO

OBTINENDIS

SUMMIS IN MEDICINA HONORIBUS

SCRIPSIT

Josephus Acherl,

HUNGARUS PESTIENSIS.

Theses adnexae defendentur in Palatio Universitatis
minori Anno 1840.

PESTINI, 1840.

Typis Trattner-Károlyianis.

CASITORUM.

PHARMACEUTICAL INSTITUTION

OF

AMSTERDAM

INSTITUTUM PHARMACEUTICUM

AMSTELÆDAMI

PHARMACEUTICAL INSTITUTION

OF AMSTERDAM

PHARMACEUTICAL INSTITUTION

OF

AMSTERDAM

PHARMACEUTICAL INSTITUTION

OF

AMSTERDAM

OF

AMSTERDAM

PHARMACEUTICAL INSTITUTION

OF

AMSTERDAM

PHARMACEUTICAL INSTITUTION

PHARMACEUTICAL INSTITUTION
OF AMSTERDAM

PHARMACEUTICAL INSTITUTION

PHARMACEUTICAL INSTITUTION

NOBILI
AC
SPECTABILI DOMINO
J O A N N I G Á L

**INCLYT. COMITATUUM PEST, PILIS ET 'SÓLT UNIT. ARCHIVARIO
ET PROCURATORIAE PRAESIDI, NEC NON EORUNDEM INCLYT. COMITA-
TUUM, PROUT ET COMITATUS STRIGONIENSIS TABULAE JUDICIARIAE
ASSESSORI.**

VIRO

**HUMANITATE,
INDUSTRIA, ET SINCERITATIS STUDIO**

INSIGNI,

Affini suo

IN

PROFUNDÆ VENERATIONIS PIGNUS

HAS PAGELLAS

VOVET

Auctor.

Physiographia.

Castoreum animale productum respectu pharmacologico praestans desumitur a *Castore Fiber L.* animali in classe Mammalium locum occupante inter Glires e familia Palmipedum, e genere Castorinorum, qui degit in Asia septentrionali, oris Europae septentrionalibus, in Russia, Polonia, Germania, Gallia, imprimis in America meridionali, in societatibus saepe magnis ad littora maris fluviorumque. Ob industriam, et artem, qua sua sibi domicilia struit, ob pellis pulchritudinem, et medicamentum tandem, quod largitur, celebris.

Character zoologicus: corpus Castoris est tres usque quatuor pedes altum, duos usque tres pedes longum, splendente, castaneo — brunea, vel nigra, imo alba quoque brevibus densis, aut longis tenuibus pilis obsessa pelle provisum, capite quadrangulari praeditum, os dentibus longis, forciforme collocatis instructum incisores duos, molares in utraque mandibula quatuor gerens. Digi extrematum anteriorum breves separati, unquibus fortibus instructi, extrematum posteriorum longiores, membrana natatoria iuncti. Cauda unius pedis longitudinem vix superans ovalem habet formam squammis praedita. In utroque sexu in ventre inter anum et genitalia notantur folliculi utrinque duplices, quorum posteriores magnitudinem ovi gallinacei adaequantes peculiari molli inquinante, ast non pingui substantia nomine *Castorei* insignita repleti, in anterioribus massa pinguis, axungia Castorei continetur. — Exihet autem Castoreum substantiam

consistentiae sebaceae odoris fragrantis, ingrati, saporis amari, subacris: recens coloris ex albo aurantii, siccatum fusci, et friabile.

Duae in quaestu occurrunt Species Castorei, quarum

I-ma et pretiosissima est Castoreum Sibiricum, vel Moscoviticum e Russia, Polonia, Borussia, et Germania advectum, continetur folliculo conoideo, vesiculae felleae analogo, parum adplanato, tuberoso, fusco, magnitudinis ovi gallinacei, ponderis trium usque quinque unciarum, in medio cavitate notato, (character maxime distinctivus): ab extus dura in plures lamellas separabili membrana obducto, ab intus textu celluloso intersito, ubi Castoreum cum cellulis concretum secernitur, quod in statu recenti coloris est flavescentis, consistentiae sebaceae inquinans non pingue; exsiccatum vero colorem obscure fuscum induens friabile, odoris perquam nauseosi, saporis stiptici amaro — aromatici. Magno admodum venit pretio.

II-da Species, multo vilior est Castoreum Anglicanum, s. Canadense ex America septentrionali, Canada allatum. Folliculi huius sunt oblongi, corrugati, magnitudinis multo minoris: ab extus membrana tene-riori, ab intus textu celluloso multo subtiliori obducti, excavatione intermedia penitus deficiente, coloris fusci in nigrescentem declinantis. Castoreum ipsum lucidius tinctum, magis bruneo-flavum in aurantiacum vergens, debiliori ammoniacali odore, saporeque insignitur. Pretium illius multo vilius exstat.

Propter diversitatem contenti folliculorum Castoreum Canadense generatim pro artefacto habebatur: secundum analyses recentiores chemicas mimine confirmatum; sed potius minus resinosae Castorei Anglicani naturae diversitas ab alimentis, situ geographico, et climate dependet. Nihilominus tamen, licet Castoreum Anglicanum Sibirico postponendum, genui-

num resinosum Castoreum continentes Canadenses dantur folliculi pro usu therapeutico ob pretium multo vilius minime rejiciendum.

Character distinctivus principalis utriusque speciei secundum *Pereira* collocatur in sequentibus: Injecto C. Canadensis frustillo in acidum salis dilutum, nulla manifesta oboritur reactio, cum e contra C. Sibirici impositione in idem acidum effervescentia similis illi, quae per marmor injectum elicitur, observetur, maiori Carbonatis calcis quantitati adscribenda. — Solvitur aqua, huic saporem coloremque impertiens, quiete rursus ab aqua separandum. Spiritus vini tenuis praecipue Kali impraegnatus; Ammonium, et Spiritus aetheris nitrici partes efficaces omnes extrahunt. Destillatio aquam odorem praebet.

Castoreum Canadense saepenumero arte conficitur e Gummi ammoniaco, Galbano, et parva ipsius Castorei quantitate, qua Capreolorum sacculi scrotales infarciuntur. Fraudem hanc distinguunt sacculorum parvitas, figura oblonga, color niger, odoris debilitas, textus cellulosi, et cavitatis in medio absentia.

Relatio Chemica.

Specie, Castorei utraque multiplici subiecta analysi chemicae virtutem Castoreum principalem suam *materiae resinosae* Ammonio iunctae, et subtili *oleo aethereo* tribuere debet; his iisdem in C. Canadensi minori quantitate, et multae cellulosa iunctis deprehensis.

Partes enim constitutivae Castorei Moscovitici iuxta analysim chemicam *Bohnii* detectae sunt sequentes:

1.) Oleum aethereum (100 partibus 34 partes largientibus) albo-flavescens, pingue glutinans, odoris

illi Moschi analogi, saporis acris diu persistentis, amari, aqua levius, aqua destillata ex parte, alcohole perfecte solubile. 2.) Materia adipocerea cum substantia resinosa. 3.) Carbonas calcis. 4.) Substantia cellularis.

Pfaffius Carbonatem calcis pro distinctissimo Castorei genuini declarat signo *Bouillon*, *Lagrange*, et *Laugier* invenerant adhuc acidum Benzoicum, principium tingens rufescens, Ammonium, et parva quantitate ferrum. *Bizio* chemice eduxit propriam in albo-flavescentes crystallisandam aciculas, Castoreum parum redolentem, in aethere perfecte solubilem, nec acide, nec alkaline reagentem substantiam, cui Castorini nomen tribuit, quae cum acido nitrico tractata proprium acidum, Castorinicum, largitur, alcohole fervido, et aethere solubile.

Castorei Canadensis constituentia principia secundum analysim chemicam *Brandesii* sunt:

1.) Oleum aethereum (1000 partes saltem 10,0 dant) dilute flavescens odoris castorini fragrantis, aqua gravius in eadem solubile. 2.) Castorinum. 3.) Castorinum cum Carbonate calcis. 4.) Substantia castoreo-resinosa, brunea, odoris illi Castorei analogi debilis, nullius initio saporis, tardius amarescentis, acris, in aethere et alcohole rectificatissimo solubile remanentibus in posteriore albis prismaticis minimis crystallis. 5.) Substantia osmazomo analoga, albumen, mucus animalis. 6.) Carbonas Ammoniae. 7.) Substantia cutanea cum diversis salibus; phosphas calcis cum natro.

Analysi secundum *Brandes* recentiori Castoreum Sibiricum combinando cum Canadensi in genere maior quantitas partium efficacium, essentialiumve differentiam non in qualitate, sed in quantitate partium constitutarum collocatam esse innotuit.

Virtus pharmacodynamica.

Remedium istud iam antiquissimis notum Graecis medicis principalem virtutem omnino huic odorem saporemque concentranti *Oleo aethereo* in acceptis referre debet, quod tam larga quantitate largitur (vide principia constitutiva). Secundum pericula *W. Alexander*, et *Jörgii*, quorum prior duas drachmas, posterior unum scrupulum Castorei exprobandae illius in organismo sano virtutis gratia consumsere, indifferens se exhibuit, nullam praeter crebriores ructus exserens efficaciam, quamobrem *Jörg* Castoreum qua remedium e pharmpopaeis penitus eliminandum esse censuit. At tamen quis peritorum medicorum practicorum, quibus pluribus excellens *antispasmodica* Castorei virtus nota est casibus, huic asserto aequo animo consentiet? Cum copiosa dentur pharmaca quae in sanis nulla in oculos incidente stipata reactione, in morbis procul dubio praestantissimis therapeuticis inserviunt remediis. — *L. Sachsins* autem qua specifico tantum odoramento pro statu systematis nervosi organorum olfactus alienato, Castoreo in Pharmacologia volatilissime stimulant remedio concesserat locum.

Castoreum itaque in universum systema nervosum generatim non tam intense agens virtutem suam vix non exclusive ad *systema gangliosum organorum abdominalium* relegat, partim erethisticam in atonia locatam huius sphaerae irritabilitatem et sensibilitatem sedans, partim quantitative perversam vitalitatem abdominalium, inprimis systematis uterini nervorum exaequans. Se habet itaque in utraque relatione ad *Asam foetidam*, eadem efficacia stipatam, uti *Ammonium* ad *Moschum*; hoc est: vera illa vitam nervorum roborante, energiam internam excitante proprietate destituitur, qua *Asa foetida*, et *Moschus*, illa in sym-

pathicorum, hic in cerebralium nervorum systemate antecellunt. Alioquin Castoreum dosi saltem magna energiam irritabilitatis, nominatim: organorum circulationis excitat; dosibus vero consuetim exhibitis parum efficaciae in lucem prodit. Maxime characteristicam autem ad *organa muliebria* gaudet relatione: sexui sequiori in genere melius conducens, quam virili. Systema praeterea vasorum in organis abdominalibus magis excitat, ac Moschus. Hinc usu illius in statu inflammatorio, plethorico cum propensione ad haemorrhagias et congestiones minime conveniente, in adynamia systematis nervosi organorum abdominalium alienata Castoreum praeclarum nullo alio commutandum exhibet remedium.

Antiquiores medici, uti: *Tralles*, *Bonn* Castoreo virtutem pharmaci *Opium corrigentis* adscribebant. Observante G. A. *Richter* Hystericis et Hypochondriacis male plerumque inserviens Opium in connubio cum Castoreo multo magis complacuisse, imo anti-spasticam virtutem alacrius manifestasse; phaenomenon hoc inde explicatum habere videtur, quod Opium ad reliquorum Narcoticorum similitudinem irritabilitatis in primis activitati, facultative motrici systematis nervosi plexuum abdominalium stimulum addens relativum huius sphaerae super sensibilitatem praepondium exserat eo magis, cum Hystericarum et Hypochondriacorum sensibilitas habitualiter alienatam praebeat adfectionem, Castoreum e contra hanc sensibilitatem quantitative in activitatem ponens, qualitativeque regendo illud noxium praepondium deprimit.

Est proin Castoreum unum e praestantissimis *Remediis Nervinis volatilibus stimulantibus*, quod, absque exaltatione systematis vasorum, inordinate excedentem, ex atonia erethistica proveniente nervorum activitatem sopit, domatque. Subiectis sensibilibus, et morbis spasticis maxime conveniens, ut quod a natura

animali minus alienum organismo etiam humano stimulum adplicat mitiorem.

Castoreum communiter iidem exposcunt morbi, in quibus Moschus indicatus est, licet peculiari huius volatiliter stimulante, energiam sensibilitatis systematis in primis cerebrialis excitante virtute destituatur, morboseque agentium pectoralium, et abdominalium nervorum alienationem potius, quam incitationem in perversa nervorum vitalitate ab utero proveniente radicatam inducit. Maiorem exserit Castoreum in morbosa systematis haematophori irritabilitate efficaciam. Castoreum itaque indicatur frequentissime in sequentibus morborum systematis nervosi formis:

In febris nervosis, dum nervosus status curriculum suum inchoat, in connubio cum Valeriana silvestri, et Ammonio. *In febris typhosis* a Castoreo ob virtutem volatiliter stimulantem debilem parum expectandum, nisi vehementibus abdominalibus spasmis his complicatis.

In Neurosis abdominalibus, quae praecipuum efficaciae Castorei constituunt forum. — Casus se sistunt frequentes febrium gastricarum cum spasmis ventriculi convulsivis in sequelam largae materiae biliosae evacuationis Castoreo cum acido carbonico iuncto forma pulveris aerophori cito cedentes. In morbis febrilibus, si praesente cardialgia ab emetico indicato reactionem fortem, et perversam timemus, optimo effectui huic Castoreum iungitur.

Virtus Castorei in *spasmodicis insultibus chronicis* luculentissime in oculos incidit, sub qualibus circumstantiis, tonicis exclusis, contra clonicas ex abdomine, et genitalibus originem ducentes adfectiones spasmodicas inservit. Eminent itaque

In Hysteria, in qua proprii specifici, et omnium *Antihystericorum* efficacissimi remedii nomine donari meretur. Spasmis hystericis solo jam odore saepe nu-

mero sopiendis. Interim saltem pure dynamicum, cum morbosa in abdomine vegetatione coniunctum, perdurante caractere donatum profligare valet malum. Nihilominus tamen qua palliativum tantum remedium vehementes delens spasmos contra reiteratum illorum insultum non munit. — Spasmodicis ab exorbitantia instinctus sexualis provenientius adfectionibus magis convenit; praesertim si Hysteria abdominalium spasmorum forma e systemate uterino orditur, uti: apud Colicam uterinam, nodum hystericum, anomalam menstruationis, hysteriam libidinosam, furorem uterinum. — Cedunt quoque Castoreo in sensibilitate systematis nervosi organorum sensuum morbose exaltata, Coenesthesique perversa fundatae adfectiones hystericæ, uti: vertigo hystERICA, leipothymiae, clavus hystericus; porro fixi abdominis stimuli cum exorbitante systematis nervosi sensibilitate in connubio cum remediis solventibus.

Licet plerisque Hystericis remedium gratum, aliqua tamen, ut videtur, nequaquam tenera, sensilia, organismo ad phlogosim prono praedita, laxa individua eiusdem adplicationem minime perferunt. — Cum experientia constet, in Hysteria combinationem plurium antispasmodicorum optime conducere, Castoreum solum nusquam exhibetur, sed pro diverso statu systematis nervosi, et haematophori diversis coniunctum aliis pharmacis; sic: praesente erethismo systematis haematophori cum Nitro, Cremore tartari; ad obtinendum longiori durantem mora effectum, et resolutionem inducendam cum gummiresinis foetidis, Valeriana; in notabili systematis nervosi adynamia cum Moscho, Oleis aethereis, praeparatis Ammoniae, Aethere; praedominante aciditate cum remediis absorbentibus; in exorbitantia systematis nervorum cum Opio; apud hystericos habituales spasmorum insultus cum floribus Zinci, Vismutho maximo propinatur fructu. — *Hypochondrismus* ob materialem magis formam minorem experitur effe-

etum, exceptis diversis in adynamia systematis nervorum abdominalium erethistica locatis adfectionibus spasmodicis; ast phaenomenis his recensitis hystericam induentibus formam maior exspectanda est efficacia.

Haemorrhagiae spasticae campum exprobandae Castorei virtutis exhibent tunc quoque, si orgasmus systematis vasorum e nervoso erethismo oriundus praesens est, eo magis, quo huic clarius abdominales spasmi coniuncti sunt: In *Melaena* cum spasmodica abdominis obstructione in connubio cum Asa foetida utile se exhibuit. Uti in *haemorrhoidalibus adfectionibus*, in fluentibus et suppressis haemorrhoidibus, in *blennorrhagiis* in plethora, et congestionibus versus has partes minus, quam in systematis gangliosi organorum abdominalium spasmis radicatis. Apud *Metrorrhagias* quoque spasmodicas excellit cum Opio coniunctum. Sic in aliis organorum abdominalium spasmis laudatur. *Kerksig Cardialgiae* pure nervosae aequae cum Opio opposuit: in *Singultu spastico* suo quoque est loco. Utilis se perhibuit Castorei adplicatio tum apud spasmos nervos systematis uterini infestantes cum extractis saponatis, et solventibus salibus mediis, cum apud *hystericum* et *hypochondriacum Asthma* cum liquore anodyno min. Hoffmanni. Spasmodici arthriticorum dolores organorum digestionis saepe numero Castoreo cedunt.

In *Epilepsia Thouvenel* adhibuit dosibus magnis a dr. sem. usque une. semis propinatis. Spasmi ex anomalia catamenialis, et lochiorum fluxus provenientes sic convulsiones gravidarum, parturientium, et puerperarum optime usu Castorei profligantur. — In *Catalepsi*, cum haec plerumque hystericae sit naturae, partim ad tollendum insultum, partim cum tonicis ad curam radicalem aliquid sperare licet. — In *Paralysi* contra remanentem, post insultum apoplecticum, statum spasticum, et hyperethismum systematis nervosi, fortiori-

bus Antispasmodicis ob timendam versus encephalon, congestionem contraindicatis, Castoreum saepe se exhibuit celebre. *Lentin* quoque in congestionibus versus uterum gravidarum activis, et hinc provenientes illius spasmis qua *prophylactici* contra *abortum* efficaciam Castorei magnam se vidisse asserit.

Modus Adplicationis.

Capacitas organismi adpropriandi, Receptivitasve vitae sensiferae erga Castorei actionem a priori erui vix valet, hinc tam dissentientes Auctorum circa *Dosim* opiniones, indeque explicatur, quomodo sive magna, sive parva Dosis eodem saepe est stipata effectum. Interim satius est ea Dosi inchoare, qualem casus specialis exposcere videtur, non vero ad analogiam medicaminum aliorum efficacium eventum quoque sinistrum inducere valentium; ut a minimis incipiatur. — Datur vero integra Castorei *substantia* a granis 5—10 p. d. — forma *pulveris* a scrup. sem. — unum pro mychthemero, cum Castoreum tam aqua, quam alcohole perfecte non solvatur, — v. forma *pilularum*, si actio lenta requiritur in connubio cum gummiresinis. *Boli*, *Electuarii*que forma accomoda non est. Potest etiam ope mucilaginis in aqua suspendi, et sub hac forma per clyisma adplicari.

Praeparata in omnibus illis adhibentur casibus, in quibus Castoreum indicatum forma pulveris exhiberi nequit, vel cum aliis pharmacis volatilibus coniungendum, suntque iuxta Pharmacopaeas diversas diversa:

1.) *Tinctura Castorei spirituosae*, vel *vulgaris*, iuxta Ph. aust. bav. bor. paratur Cast. unc 2 cum alcohole rectificatissimo leni igne digerendo, brunea, odoris et saporis castorini fragrantis. Exhibentur 20—60 guttae.

2.) *Tinctura Castorei aetherea*, iuxta Ph. sax. bor. e Cast. unc. 1 cum Spir. aeth. sulf. per octiduum digestionem obtinetur, fusca saporis priore amoenioris. Dosis a 10—20 gutt. adscendit. *Richter* in Amaurosi partes aequales Tinct. huius et spir. sal. ammon. pro inunctione in palpebram superiorem, regionemque orbitalem bono successu adhibuit.

3.) *Tinctura Cast. composita*, s. *Elixirium antihystericum, foetidum, uterinum*. Secundum Ph. edinb, Castor. or. unc. 1 Asae unc. sem. Ammon. spir. vini lib. 1 per triduum digerendo, et colando conficitur; iuxta Ph. antiq. Opium quoque continens. Remedium antihystericum efficax contra cardialgiam, colicam flatulentum a dr. 1 — unc. sem. p. d. propinandum.

4.) *Aqua Cast. vinosa*. Ph. han. parat fol. Rutae sicc. part. 6 cum vini acidi part. 72 perfundendo, per 24 hos. macerando, postea aquae part. 72 infusis, totidem part. inde destillando, pro Antihysterico praestanti, Tincturisve amoeniori habetur. remedio, analysi Bonnii chemicae superstructa, qui solutionem Cast. aquosam cum addito pauxillo spir. vini fragranti, Tincturasque antecellente odore praeditam omnibus aiiis anteponit praeparatis, imo super Cast. destillatam aquam efficacem declarat.

5.) *Troschisci Castorei* iuxta Ph. aust. parati e Cast. dr. 2 Sacchari une. 4, macilagine gummi Tragagant. ea quantitate, ut massa in trochiscos gr. 3. redigi possit.

6.) *Oleum Cast. aethereum*, alboflavum, leve pingue odoris fragrantis, saporis amaro acris; secundum Bonn casu magnae exoptandae efficaciae in apoplexiis, animi deliquiis, statu soporoso, imo qua remedium odorum aliis praeferendum: exaggerato venit pretio.

Externe Castorum remedio odoro, aut clysmatibus antispasmodicis e Cast. dr. sem — 1 in infuso

Chamomillae, v. Valerianae inservit. — *Unguentum*
ob pretium insigne raro praescribendum.

T h e s e s.

1. Homini cibus mixtus ex utroque regno optime convenit.
2. Hydrophobia canum ab aliis eorum morbis aegre distinguitur, et praecipuam causam in defectu occasionis instinctum sexualem exerendi habet.
3. Quaedam contagia semel exantlata in eodem individuo amplius recurrere nequeunt.
4. Conceptionis nulla dantur signa vera.
5. Morbi et animalia domestica et homines in Hungaria minus infestarent, si et plures Medici in quolibet Comitatu publice fungerentur, et illi, qui funguntur, majorem haberent auctoritatem in negotiis medicis.
6. Conservat usus oblectaminum, valetudinem pervertit abusus.
7. Monogamia homini maxime convenit.
8. Cataractae maturae sanatio in sola magistri dexteritate reponitur.